

Ufficio Stampa della Provincia autonoma di Trento
Piazza Dante 15, 38122 Trento
Tel. 0461 494614 - Fax 0461 494615
uff.stampa@provincia.tn.it

COMUNICATO n. 499 del 05/03/2025

L Fassa Coop met fora i retrac di fascegn tel cincanteisem cedeon de la Majon di Fascegn

NOS-ETRES. Cartes de visite: na mostra fotografica ladina te Coprativa de Fascia

[Ladino] L é na colaborazion duta fescèna, anter Istitut Cultural Ladin “majon di fascegn” e Coprativa de Fascia, la espojizion “NOS-ETRES. Cartes de visite. Retrac de fascegn aldidanché”, Na colaborazion curiosa che ampò la palesa l leam anter doi sogec che da n muie de temp i colaborea te desvaliva scomenzadives outes a chest teritorie ladin: l prum cuna de la storia e de la identità ladina, l secondo che l reprejentea idealmenter l mond economich dal post.

Se trata de na mostra de presciapech 250 retrac de jent de Fascia metuda fora ti partiments extra alimentères, te bar e te coprativa, che la porta dant n percors fotografich endrezà da la Majon di Fascegn col fotograf Davide Baldrati, per contèr de la jent de Fascia anchecondi, tres moments che valorisea la cultura ladina, con reijes fones ti valores de cooperazion, comunanza e identità.

L’inaudazion de la mostra - co la prejentazion del catalogh de na selezion de la fotografies metudes fora - la sarà en mèrtesc ai 11 de mèrz da les 5 domarena aló da la teraza del bar Al Fassa Coop, a Sèn Jan, olache i curadores menarà chi che arà gust te na vijita compagnèda a la desvaliva espojizons.

“A chi che se domana la rajon de chest projet te nosc zenter comercièl me sà bel ge recordèr la miscion che l Fassa Coop à semper portà inant e valorisà, che l é apontin se dèr ju per l teritorie e per la comunanza, con vèrda particulèra al mondo culturèl e identitèr de chesta comunanza linguistica piccola ma feruscola”, spiega l diretor Luca Giongo.

“L titol de la regoeta “Nos-etres” ge dèsc lèrga a desvaliva interpretazions: nos apede i etres, nos etres te na sozietà turistica averta a neves lengac, cultures e identitèdes e nos dessema col mondo economich parejenta te chesta ocasion da la Coprativa de Fascia, semper averta a la colaborazion te la ativitèdes del Istitut e del Museo Ladin e a chela che volon ge sporjer n gran bel detelpai”, recorda la diretora del Istitut Sabrina Rasom.

Cartes de vijite l é ence n projet fotografich più gran endrezà fora per l 2023-2024 dal Istitut Cultural Ladin “majon di fascegn” dal fotograf Davide Baldrati e che l tol ispirazion da la fotografia del Otcent e di prumes del Nefcent, con chela de conservèr la memoria de anchecondi per la generazions che vegnarà do. E per chesta conservazion l é stat cernù l papier stampà “che fosc l vegnarà mingol al - recorda l foroğraf - ma l restarà entriech e scempie, desche n fossil, desche n stamp marcà sun n sfoi”.

(S.Ra.)